

1^v

DEm Durchleuchtigften Hoch^{er}
 gebornen Fürften vnd Herren/ Herrn Ludwigen Pfaltz^{er}
 grafen beym Reyn/ Hertzogen in Bayren/ Des Hayligen
 Rhömifchen Reichs/ Ertztruchfeß/ vnd Churfürften 7c.
 meinem Gnädigften Herren/ Empeüt ich Hieronymus
 Boner/ Stattmayfter zu Colmar/ mein ſchuldig gehor^{er}
 ſam vnd allzeyt vnd^{er}thänig dienft Gnädigfter Churfürft
 vnd Herre/ Nach dem vnd die Rhömifchen Kay. vn Kü.
 M. 7c. vnfer aller Gnädigfte Herren E. Chur. G. die löbliche des Hayligen
 Reychs Landtuogtey Hagenaw/ ſampt den Stetten vnd Fläcken/ darein ge^{er}
 hörig/ auß ſondern gnaden vnnd löblichften vrfachen/ widerumb zugeltelt/ inn
 maßen E. Chur. G. vofaren/ die hievor auch inn gehapt/ vnd ſampt den in
 ſaffen/ gantz Fürftlich vnd Gnädigft/ Regiert/ beſchützt vnd beſchirmt/ darüb
 dann alle vnderthonen E. Chur. G. Gnädigft vnd zierlichs anko^{er}mē vnd
 einreütten/ mit aller vnderthänigkayt/ gepürender Reuerentz (wie das wol
 billich) mit ſondern luſt vnd freüden/ gehört/ gefehen vnd empfangen haben.
 Dieweyl ich dann der ſelbigen vnderthonen auch einer/ zu dem E. Chur. G.
 allezeyt mein vnderthänigften ſonderbarlichen dienft/ neben ſchuldiger gehor
 ſame/ zuerzaygen inn entlichem willen gewefen/ vnd nach deffelben vnwandel
 baren ſyns vnd gemüts/ Bin ich doch etwo lang inn einem zweyfel vnd nach^{er}
 gedencken gefanden/ warinn ich folliches meiner hertzlichen begyrde nahe am
 allemayften beweyſen mocht/ Inn dem ift mir freylich nicht on götlichen wil^{er}
 len vnd gnad (von dem nicht allayn die werck/ ſonder auch die gedancken/ vn
 das wöllen der menſchen/ verlyhen vnd gelaytet werden) eweres zu gefallen/
 das E. Chur. G. nichts anmüttigers noch gefelligers/ daß dz on aller men
 ſchen widerſprachen/ nit allayn luſtig vnd wu^{er}fam/ ſonder auch nützlich vnnd
 löblich/ das auch folchs nichts anders/ daß allayn die Hyltorifche wrhayt ſein
 kündt oder möcht/ Darumb ich mir gleich fürgenomē/ den Hochberümpften/
 Griechifchen geſchichtſchreyber/ Herodotum/ den daß Quintilianus vnd^{er} den
 Latinifchen dem Tito Liuiio vergleicht/ auß dem Latin in das volgēd Teütſch
 zu bringen/ Darmit E. Chur. G. als mein Gnädigften Herrn/ mit aller vnd^{er}
 thänigkayt zuuereeren/ vn zu erkennen/ Als ich auch den mit vberſchreyttunge
 etlicher haydnifchen/ vorab der Egyptifchen Superftitionen Ceremonien vn
 Tempel gebrengs/ mit der gots hylff volendet/ Vnnd als die verteütſchunge/
 wie vngeſchickt doch die vnnd jrem werckman gleich/ aber nicht weniger E.
 Chur. G. auß angeborner tugent nach deren beſichtigung gefellig gewefen/ ift
 mein höchſte freüd/ vnd aller meiner arbayt ainmüttigfte ergötzlichayt/ vnnd
 alfo E. Chur. G. dern Gnädigften gefynnen nahe inn truck vbergeben/ das
 wöll E. Chur. G. zu Gnädigſtem willen vernemen/ vnd mich inn gnädigi^{er}
 ſtem ſchyr^{er} zu haben/ Datum Colmar/den erften tag Junij/ Anno 7c. M.
 D. XXXiiij. Jar.

Ewer Churfürftlich Gnaden.

Vnderthånigfter

Stattmayfter zů Colmar

Hieronymus Boner.

2^r

Vorred.

Anzayg der frucht nutz vnd frommens/ so auß
 lefung der Hyftorien erlangt werden/ auch von dem lob vnd rûm
 der Hyftorien/ durch Diodorum Siculum bſchriben.

MEiniglich iſt ſchuldig dē gſchicht
 vnd Hyftorien ſchreybern billiche vnd groſſe danckparkayt
 zû beweyſen/ die mit jrer arbeit dem leben der menſchen faſt
 nutz vnd gût ſind/ wann ſy zeygen den lefenden/ mit den ver
 gangnen Exempeln an/ was vnns zûbegeren odder zûflie
 henn ſey. Dann ſo wir die geſchichtenn leſen/ die inn vil
 vnnd mancherlay ſachen/ mith groſſen arbaytten vnnd ſchâden/ weytt vonn
 vns vnd on vnfern nachthayl volbracht vnd verlauffen/ ſind wir damit grôß
 lich ermant vnd gewarnet/ wie wir vns inn vnferm leben richten vnd halten
 ſollen/ vnd darumb ſo wirt vnder den Herren der jhen für den aller weyſeſten
 gehalten/ der zû mermalen das widerwertig glück als vil vnſals erfahren/ vnd
 vil ſtett vnd ſitten erſehen hett/ wann die erfarung der frembden ding/ in
 glück oder vnglück/ hett ein ſolliche kunſt/ die aller ſchâden manglet/ vnnd deren
 nicht empfindet. Deßhalben ſind alle menſchen mit etwas angeponer ſipſchaf
 te gegen einander verbunden/ wiewol ſy der ſtett vnd zeyt halben von einan
 der ſind/ das ſy zû einem anſchawen kommen/ inn dem bequemlich der götliche
 fürſichtigkayt nachuolgen/ die dann dem hymel ſein zierd/ auch den menſchen/
 inn gemayner ordnung/ mancher hand naturen/ inn ewigkayt fürſehen/ vnnd
 einem yeden ſo vil jm gepürt/ mit göttlicher gnaden/ verlyhen vnd geben hatt/
 Gleicher geſtalt vnd maynung/ haben die Jhenen/ die den gantzen vmbkrayß
 der welt/ gleich wie die geſchichten einer ayntzigen vnd ſondern ſtatt/ jren wer
 cken eingepflantz/ vnd das ſelbig alles zû gmaynem nutz beſchriben/ Darumb
 gar hüpfch iſt es/ das wir vnſer leben/ mit der andern vngeſchicklichait ein bey
 ſpyl nemen/ inn beſſeren ſtand zû bringen/ vnd vns nicht fürzûſetzen noch einzû
 bilden/ was andere gehandelt/ ſonder was am allerbaſtten volbracht ſey/ für
 vns zûnemen/ noch zûuolgen der alten weyſen râth/ die jr langwirig alter wei
 ſer vnd erfarnen gemacht hett/ die ſollen von den jungen gelobt/ vnd inn eeren
 gehalten werden. Yedoch ſo fürtrifft die ſelbigen alten/ die Hyftori/ ſouil mer/
 dann die langwyrigkayt der zeyt vnd vile der jaren/ vilfeltig Exempel geſche
 hener ſachen/ mer begreyffen mag/ dann eines aynigen menſchen alter. Deß
 halben iſt die Hyftori zû Regierung des menſchen leben/ am aller nutzlicheſten
 zû râchnen/ Nämlich den jungen/ das die mit vil vnd manigfältiger lefung der
 Hyftorien/ den eltern an fürſichtiger weiſhayt vergleicht/ ſo dann die ertagten
 alters/ werden dardurch inn aller zeit jres lebens mit erfarung der ſachen noch
 geſchickter/ Die Hyftori machet auch die ſondern menſchen zû kayſern vnd Kü
 nigen. Jtem ſy raytzt die Keyſer vnd Künig vmb der vntôdtlichen Glori vñ

eeren willen/ zû fürtrâflichen vnd rûmreichen gethaten. Jtem die theüwren
Ritter vnnd redlichen kriegsleüt macht fy die Hyftori/ gefchickt vnd genaygt/
vmb erlangung des lobs/ das den todten nachuolgt/ vonn wegen des vatter-
lands/ alle noth vnd fchaden zû leyden. Jtem fy erfchreckt die vnfrömen/ mit

ij der

2^v

Von dem lob der Hyftori.

der ſchmach vnd verachtnus/ das ſy von allen böſen laſtern abtünd. Es werden auch etlich mit ergründung der geſchriſt/ ermant vnd gereitzt (die daß der tugent zeugnus gibt) das ſy auch Stett bawen/ vnd den menſchen zů fromen vnd gůt vil nutzlicher gefatz machen. Es habent jr etlich ſonder leer vnd künft befunden/ die den menſchen zů gůt geraicht/ Jedoch iſt inn allen dingen darinn des menſchen feligkait vnd glück ſteen mag/ das fürtrefflichſt lob vñ vrfach/ der hiſtorien zů zemeffen/ Wann die iſt ain behüter der ding/ die mit lob vñ tugent volpracht werden/ vnd ſunſt gegen allen menſchen anmüttig vnd wolgefellig. Vnd namlich auch inn den dingen/ die von der hellen/ inn fabeln weiß gefagt/ ſind den menſchen nutz vnd gůt die andacht vnd fromkait zů behalten. Wie vil mer dann zů achten/ das die Hyftori/ als ein warhafft anzaygerin der warhait vnd als ein gepererin der waren Philoſophie vnd weißhayt/ vnſer litten vnd gewonhayt/ zů rechter tugent bringen müg/ Dañ alle menſchen volbringen vō angeporner art vnd natur die merern thayl zeyt jres lebens inn müſſig gehen/ vnd gfarlãffigkayt/ deren leben vñ tod hat man bald gleichs vergeffen dieweil ſy inn bayden wesen vnd leben ein gleichmãffigen tod erlangen. Es ſind aber die tugentreichen gethatten gantz vntōdtlich/ vorab dieweil man die inn den Hyftorien beſchreybt. Auch ſo iſt es lōblich/ das man mit tōdtlicher arbayt ein vnſterblich lob vnd preyß erlangt. Wann der theür Hercules hat inn ſeinem leben/ ſich groffer arbayt vnd gefãrlichayt mit willen vnderwunden/ allayn darumb/ das er mit ſeinen wolthaten/ bey allen menſchen ein vntōdtlichen růme vnd lob erlangt. Die andern durchleüchtigen vnd fürtrefflichen mãnner ſind etlich den Fürſten/ etlich den gōtten gleich/ an wůrde ehern vnd ſtand geſchãtzet worden/ die wir ſelbs achten groffen růms vnd lobs wyrdig ſein. Jedoch ſo werden jr aller růmreichen gethaten vnd geſchichten/ allayn durch die Hyftori vntōdtlicher vnd mit ewiger gedãchtnus begabt. Vnd wiewol aller anderern ding gedãchtnus/ ein klayne zeyt harren/ vnd durch mancherlay zůfãll verfallē ſo iſt doch die krafft vnd tugent der Hyftori/ dermaß inn alle welt außgoffenn/ das die/ was ſonſt verzert wirt/ der zeyt ein hütter vnd behalter hat. Darzů bringt die Hyftori/ dem wolreden ein groſſe ſteür/ darüber kaum etwas durchleüchtigers befunden wirt/ wann dardurch werden die Griechen den Barbariſchen vōlckern/ vnd die gelerten den vngelerten fürgeſetzt/ dieweil diß allain kunſt iſt/ damit die menſchen die andern vbertreffen/ vnd wirt fouil mer vnnd grōſſer geacht/ ſo vil dann des redners tugent vnd wolgeſprãchs mer iſt. Vnd ſo wir ſchãtzen/ das die gůten vnd fromen mãnner alles lobs wyrdig ſeyen/ als die vns den weg der tugent angezaygt/ es haben aber jnen yhe andere/ andere weg erwōlt. Dañ die Poeterey wirt geacht/ das ſy die gemüter mer erfrew deñ nutz bring/ deßgleichen das die glatz vnd ordnung der vōlcker mer ſtraffen daß lernen. Alſo iſt es auch mit allen andern künſten/ die da nichts bringen zur fãlig

kayt dienende/ wann dern nutzbarckayt find mit etwas nachthayl vnd schaden
vermifcht. Etlich lerend vns für die warhayt liegen. Darumb fo ift allayn dye
Hyftori/ fo die gefchehenen fachen vnd gethaten mit gleichmäßigen worten an
zaygt/ die yhenen fo alle nutzbarckayt inn fich begreyfft/ wann die treibt vns zu
eerlichem ftand vnd wafen/ fchiltet vnd verwyrfft die lafter/ erhõhet die from
men/ vnd truckt vnder die da böß find/ vnd mit den thaten vnd gfhichten dye
fye be

3^r

Vorred.

fye befchrybet/ furdert fy die menfchen großlich zů gůtem vnd rechtem leben/ da
rumb vnd dieweil den Hyftori fchreibern fo groß lob zůgmeffen wirt/ fo bin ich
auch (fpricht der vorgenañt Diodorus) bewegt wordē dife Hiftori bfchreibē 7c.

Es redt die Hyftori felbs von jr

Wie nachuolgend.

Jch bin die gfchehnen fachen/

Allzeyt thůn gedächtnus machen.

Den beften weg ler ich dich gon/

Daran du magft nutz vnd eer hon.

Jch leer dich auch zůuermeyden/

Was fchedlichen ift zů leyden.

Zůdem bin ich auch die feldt/

Die anzaygt der newen welt.

Mit was Glori vnd eer die alten/

Sich yhe Ritterlich gehalten.

Wie fye nach tugent gerungen/

Was lob jnen daruon entfprungen.

Darzů auch was danck vnd lon/

Die frommen ye haben gethon.

Dargegen was die boßhafften leüt/

Empfangen für jr lohn vnd beüt.

Wie es vmb die höchften ding ift/

Geftanden fag ich zů aller frift.

Jch zayg an das böß vnd das gůt/

Vnd das der menfchlich fynd vnd mūt.

Wiß nach eeren allzeyt zů ringen/

Damit dem böfen zů entrinnen.

Dann on mich weder weißhayt noch kunft/

Vnd dardurch der weltlich gunft.

Auch niemandt nichts gefchicks kan handeln/

Dem diß mein erfahrung thůt manglen.

Es haben die fchreyber nit ein klainen zanck/ von wůlchē anfencklich die Hy-
ftori zůbefchreiben erfunden/ dañ die befchreibung d⁹ Hiftori/ ift am nechftē nach
d⁹ Poeterey entfanden/ wie Strabo fpricht Libro Geographie im̄n erften)dar
nach haben Cadinus der Milefier zů erften anfangen die Hyftori zůbfchreibē
nãmlich von d⁹ ftatt Miletus vñ dem Jonier reich/ in vier bũchern/ vñ mit der
Profe. Item der Pherecides auß d⁹ Infel Scirus/ dz ift eine vnd⁹ den Cicladifch
en Infeln/ wirt auch zů zůgemeffen die Hyftori zů erfte mit der Proß on verß be
fchreibē haben/ fo dañ Hecateus d⁹ Milefier/ d⁹ dañ ein fürtráflicher Hiftori fchrey

ber gwefen/ ift bey den zeitē des Perfier künigs Darius Hitalpis/ des iii. künigs
Es fchreibt auch Plinius von obgemelen Cadino in feim v. buch d⁹ natürlichen
Hyftorien in xxix. Cap. Die ftatt Miletus ift jres r⁹ms nit z⁹überauben v⁹ we
gen jrs burgers Cadinus/ d⁹ z⁹u erften on vers in einer proß g⁹chriben hat/ Wie
wol d⁹ vorgenañt Plinius in vij. buch vñ lvj. Cap. jm felbft wid⁹wertig g⁹fundē
wirt/ darin er fagt/ dz die Profaische b⁹chreibung z⁹u erften von obgenantē Phe
ij recides

3^v

Von dem lob der Hyftori.

recides dem Scirier erfunden sey bey den zeiten des künigs Cyrus des erften/
Item Jofephus d⁹ gibt auch dē obgemelten Cadino zeügknus/ dz er die Hyftori
zūbfchreiben anfenglich erfunden. Dargegen will Lucius Appuleius folliches
dem Pherecidi vnd mit dem Cadino zūbfchreiben. Dz ich aber mit dem Eufebio
dem Cronickfchreyber gehell/ der zaygt lauter vnd klar an/ dz Mofes zum er-
ften/ vñ vor allen and⁹n die Hyftori befchriben/ vñ hat glebt bey den zeitē Jnachi
des erften künigs zū Argos/ d⁹ regiert zū Argos v. hund⁹t jar vor dem Troianer
krieg/ wiewol der Hayd Porphyrius in feim iiii. bñch/ das er wid⁹ vns Chrifte
gemacht/ fagt das die künigin Semyramis nach Mofes gewefen/ die habe C.
vnd fünfftzig jar vor dē obgenānten künig Jnacho bey den Affyriern regiert/ al
fo ift nach feiner anzaig Mofes vor dem Troianer krieg gwefen gar nahe auff
viiij. C. l. jar/ drauß mā verften mag/ dz Mofes d⁹ erft Hyftorifchreiber gfein fey.

Auch fagt der hochgelert Angelus Politia.

nus/ inn der Vorred vber den Suetonium vnder anderm alfo

von dem lob der Hyftori.

Vnder allē gñchlecht der fchreibern/ die and⁹ft in Griechifcher od⁹ Latini-
fcher fprach gefchriben/ bedunckt mich on allen zweyfel / dz die am aller-
mayften/ in menfchlichē hendlē hohen lob vñ danck verdient/ die aint-
weders d⁹ fürteflichften vólcker/ od⁹ der óbriften Fürften/ Kayfern vñ künigen/
oder d⁹ durchleüchtigften Fürften vnd herrn volbrachte gñchichtē/ mit getrewer
warhaftiger Hyftorifcher anzeygüg/ in gedächtnuß bracht/ haben vns da bey
der felbigen leben/ fitten vnd riterlich thaten/ darzū jr rāt anfchleg/ vnd d⁹ fachē
außgeng vñ zūfäll/ mitten für die augen gftelt/ darin lich alle nachkomēnde/ ge-
leich wie in eim exemplar erfehen/ darauß fy leer vñ bericht fallen/ vñ fchöpfen/
dardurch fy lich in gmainen vñ fond⁹n gñchäften/ deft ratfamer vnd tauglicher
halten mügen. Dañ die jüngern werdē auß der Hyftori mit den manigfältigen
exemplen in jrē leben vñ welen etwz gñchickter/ darzū erlangen die elteren noch
mer erfahrung darauß/ fouil lich dañ jr alter mit der zeyt ye mer erfreckt. Deß-
halb fchreibt d⁹ hochberumpt Orator Cicero/ als der theür vñ namhaftig Rō-
mifch Hauptman C. Lucullus/ wid⁹ den mächtigen König Mitridaten zükrie-
gen außgefendet/ vnd er damalen der kriegs vnd Riterlichen hendel/ noch gätz
rűwig vñ vngeübt gwefen/ ift er doch in feim hinfchiffen mit emfigem lefen der
Hyftorien/ vnd fleyffiger erkndigung bey den erfarnen/ der fach fo ernftlichē
obgelegen/ das er/ fo bald er als ein hauptman in Alien komē/ Jnn allen dingē
zū krieg dienftlich fo fütträflich namhaft worden/ dz er allermayften mit dēfel-
bigen König Mitridates felbs zeügknus vñ bekañtnus vnd⁹ allen and⁹n träfli-
chen hauptleütē/ die ye gwefen/ weit d⁹ fürnāmft vñ theürft gwefē. Es ift auch
der Rōmifch Kaifer Alexander Seuerus der gewonhait gwefen/ fo oft der
inn kriegs vnd ernftlichen fachen/ ratspflegen wöllē/ hat er zum forderftē die

jenigē befragt/ die d⁹ hyftorien bericht vnd erfahren gwefen find/ vñ dz nit vnbil-
lich/ dañ fo der gebrauch vñ vbung die weyßhayt gepürt/ vnd die mûter die ge-
dächtnus/ wólche möchten dañ fonft die weyßern fein/ od⁹ dafür gehalten wer-
den/ dann die nit allain eins menfchē/ noch einer ftatt allain einig alter/ fonder
aller zeyt vnd aller vólcker vnd nation gefchichten/ gewonhayt vnd fyttē/ yn
jren fynnen vnd gedächtnus begreyffen mügen. Auch hat die Durchleüchtigft
frawe

4^r

Vorredt.

frawe vñ künigin Zenobia nach abfterbē jrs gmahels des künigs Odenati/ d3 regimēt vñ herſchūg an ſich genoñen/ vñ dē Rōmiſchē hauptlewtē eben lang widerftād gethā/ darzū nit allein jñ Griechiſcher ſprach die Lateiniſche Hiſtorj gelert/ fonder auch darzū die Alexandriſch vñ Oriētifiſch hiſtorj/ jñ kurtzē begriff ſelbs zamē gefetzt/ vñ d3 ſollichs an jr deſtminder zū verwundern gewefen/ ſo hat ſy nit allein tugent radtfami erfahrung vñ kunſt gehebt/ jhr reich zeregiern fonder iſt jr auch ſo vil gwalt vñ macht vber blibē d3 vnder jrē weyblichē regi mēt wider die Arabier Saracener noch Armenier nie emport noch auffrūrig wordē. Alſo d3 mā jrnhalbē wol vermūttē mag/ d3 jr ebē die meinūg begegnet ſey/ wie man jñ dē fablen ſagt eins bauren weyb begegnet fein/ nāmlich ſo ſagt man das ein ackermañ/ gar eins vngeltalten heßlichen angeſichts gewefen/ der ſey jñ ſorgē geltādē/ d3 jñ ſeine kind an der vngſchāffne auch gleich geborn werdē möchtē/ darüber erdacht er ein ſolliche ertznei/ nāmlich ſo beſtalt jñ d⁹ jñ ſein hauß vil ſchōner bild vñ gemel/ die ſelbigē hieß er ſein ſchwangere frauen ſtets anſehen/ daher er dann gar vil ſchōner kinder vberkoñen hat.

Es hat auch gleicher geſtalt/ diſe obgenante/ Edle künigin/ die bildnuß der aller fūrtrefflichſten vnd theureſte māñner für ſich genoñen/ der ſelbigē exem plen nachzeuolgen/ wōllicher loblichen vñ ritterlichen geſchichte vñ ſythen/ ſey jnn der hiſtorj/ als jñ einer tafflen vñ ſpiegel/ mit allem fleyß anſchauwet vñ be trachtet. Deßhalben dañ der vorgenant Cicero von rechts wegen/ die hiſto- rj nennet ein zeugen der zeit/ ein liecht der warhait/ ein leben der gedächtnus/ vnd ein botten vnd verkünderin des alters. Sy iſt allein die yhen mitt dern hilff vnd beyſtand/ wir gegen allem widerwertigen glick/ als mit Vulcaniſch en waffen/ beſchirmbt vñ gewapnet feindt/ vñ koñpt vns dermaffen zū ſteur vnd hilff/ ſo vil zū erfahrung vnd erkantnuß der volprachtē ſachen dient/ d3 wir dadurch geſehen werden/ auch bey den fordern vnd alten zeiten gelebt haben.

Doch ſo iſt auch diß nit der grōßt nutz vñ fromēn der hiſtorj/ daruñ d3 ſy die fromēn vnd erbern lewt mit rūmb vnd lob erhōcht/ vnd die bößhafftē mit der ſtraff verwirfft vñ vndertruckt/ ſy iſt auch die aller getrawefte behüttern vnd beſchirmern der zeyt/ von dern ſy dañ auch hinwiderumb als zū einer gegenn danckparkait vnd widergeltung/ behüttet wirt. Es feindt wol etliche Phi- loſophi/ die wōllen nit zū laffen das man einich lob vnd rūmb begern ſoll/ vnd ſagen das man des als eins vnnotfamen dings von tugent vnd eren wegenn nit bedorffen noch des enachten/ vnd ſoll nāmlich die tugent (als ſy ſagen) jr ſelbs belonūg ſein/ die dañ für ſich ſelbs kainer auferlichē gluftē begern darff/ vñ wie ſy d3 ſchreybē vnd ſagen/ ſo ſetzen ſy doch nit deſtweniger jhre namen/ auff jhr geſchribne bñcher/ vñ begern damit d3 lob anzeneñen/ dauon ſy doch die andern am aller maiften vnderftond abzefchrecken/ daruñ iſt niemandts einer ſo gehirnten noch zarten ſtirnnē wie Perſius ſagt/ der nit mit dem rūmb

vnd lob einiche fuffigkait empfindet/ auch hat niemandts fein ftirn fo gar em=
plóft noch entdeckt/ der nicht auß forcht eins böfen Lumdens bekü̃mert werde
vnd ſchamrot. Deßhalbē dañ die tugent bey dem Prodicō von Chio gleich
wie bey dem Socratifchenn Xenephonte bedacht/ die dann den Edlen Her=
culem mit liebkoßenn vnnd ſchmeichlenn auch dem luft zů wider/ ahn ſich zů
ziehenn vnnderftandenn/ alfo das ſy zum forderftenn gezierdt vnnd
lob verſprochenn vnnd gefagt hatt/ durch mich freywenn ſich die jungenn der

iiij

Von dem lob der Hiftori.

ålthern lob vnd rûmbs/ dargegen auch die ålther der jungern rûmbs/ vnnd eren/ vnd bedencken mit groffem luft vnd fraiden der vor vergangnen sachē/ dergleichen beweyfen fy sich jnn gegenwertigen gantz lieblich vnd freündtlich/ durch mich (spricht die tugent) feindt die götter ewere freündt/ jhr ewern freunden angenâm/ vnd dem vatter land nutzlieb vnd werdt/ wann fy dann auß difem zeyt mit todt vergon werden fy daruñ nicht verduncklet noch vnloblich/ fonder mit ewiger gedächtnus grünen vnnd namhafft bleiben. Deß gleichen sagt auch die tugent bey dem Sylio Jtalico dem Rômifchen burgermaifter vnd Poeten/ jnn difem feinem gedicht.

Mecum honor & laudes & Letę gloria uultu, Et dęcus & uiueis uictoria concolor alis, Me cinctus Lauro perducit adaftria triumphus,

Auch ift kains wegs zû gedencken/ das difer Hecules wölliches loblich vnd ritterliche gethaten/ jnn dem gantzen vñkreiß der erden/ mit fonnderm rûmb bedacht werden/ oder auch andre fürften herren vnnd ritterliche lewt/ sich fo groffer ſchaden vnd arbeit vnnderwunden noch fo ſorgkliche vnnd treffliche freyt angenoñen wo fy nun gemeint hetten/ dz die gedächtnuß jrer volprachen gefchichten/ mit jnen abfterben foltē. Darum dañ auch Valerius Flaccus da ehr von feinem Jafon anzaig thût/ gar ſchon daruon ſchreibt.

Tu fola animos mentemq̃ peruris, Gloria te uiridem uidit Immunemq̃ fenecete, Phafidis in ripis ftantem luuenesq̃ uocantem.

Jch glaub auch entlich/ das alles das von anfang jñ der ftat Rom geordnet vnd alle gefetzte recht vnnd ftattuten/ auch funft vil ding das den menſchen zû nutz vnd fromen erdacht/ fey alles auß begird der eren vnd rûmbs beſchehen.

Wo auch die alten vnd die yenen fo den gemeinen nutz regiirt/ nitt bedacht das die burger dern notturfftig gewefen/ fo hetten fy freylich deffelbigen zündels niñer/ mit fo manigfaltigen kronen krentzen/ figken/ palmen/ pogen vnd ſchiltten jre großmächtigen Triumph vnd vberwundungen gezierdt vnd gepflantz. Darumb mag man wol bey difen vnfern aller betrübteften zeytten ſehen/ das die frucht der tugent mit ſampt der tugent gar nahe gantze verfallen vnd zû grundt gangen/ dañ wer wolt ſich dern vnderwunden/ wie dann Juuenalis ſagt/ wo man die belonung hinnimpt vn̄ entzeucht. Wöllichs ift aber die vergeltüg der warn tugent anders dañ die ere vnd dz lob felbs/ wie auch die tugent jnn andernzeitlichen anzaigungē etwas beherbergung habē mag/ alfo hat fy jr auch felbs jnn den aller fürtrefflichſten Hiftoriſchen büchern ein ewige vnd fonderlich behaufung fundiert vnd gefetzt. Wañ fo ein Orator etwas mit feinen worten zû hoch erhebt vnd auffmutzt fo pringt dz ein verdruß/ wo aber die hiftorj etwas zû gefallē oder zû verdruß handelt/ fo hat die ſchon yetz jren namen verloren vnd nit mer behalten. Dann gleich wie die recht angeborne farb an einer ſchönen frawen/ vil hüpfcher ift dañ mit andern farben

Valerius
Flaccus
des anfen
gklich dē
åltern Ca
tonem ge
waltig
macht.

befreychen/ also ist auch die zeugnus der waren vnd dapfern hiftorf/ vil beftendiger/ dann der Oratorn verduncket loben vnd preysen.

Das dann der obgenant Cicero wol verftanden/ daruñ ehr dann gar recht zu dem Luceio geredt das er fein gedächtnus auch feinen gefchriefften einpflanzen. So dann Plinius der junger der bey feynen zeytten der fürtrefflichft Orator gewefen/ der hat gewüncht/ vnd begert das fein nam jnn die Hiftori
Cornelij

Vorred.

Cornelij Tacitj gefetzet werden solt/ daruñ d3 er wol gedacht/ die selbig wurd niñer absterben. Es mag auch kain Orator wol fein/ on die manigfaltigen Exempel der Hiftori/ dann on die selbigen spricht Cicero/ mag ehr nichts volkomens vnder weyßen noch lernen/ noch das ampt der Hiftori vertreten/ er sey dann am balten beredt. Darumb schreybt auch der yetzgenant Plinius/ das er jm tag vnd nacht nachgefünnet/ wie er sich selbs erheben vnd auffrichten möcht/ jnn dem er befunden das follichs allein bey der Hiftorj beschehen/ vnd achtet die selig fein/ denen follichs von Got verlichē/ zethun d3 sy zu schreiben/ oder zu schreyben das zu leben were/ das auch die aller seligsten weren/ die der beyden stuck begabt fein mochten. Vnd wolte Gott das auch dem Cicero etwo gezimpt het/ sich der Hiftorf zu vnderwindē/ vnd wie fein hoher verftad für sich gefaffet vnd so er feiner feynd gemanglet/ het er vns so ein trefflich Hiftorj herfür pracht/ als wir kaum glauben mügen/ dann dieweil ehr jnn feinen Orationen/ da dan alle ding nach der geschriffte geredt werden müffen/ so kurz vnd lynn reiche sententz eingezogen/ vnd zu follichem verftand vnd anmütung pracht/ also das die selbigen sachen nit allein geredt/ sonnder auch ganntz augen scheinlich gehandelt fein gefehen wordē/ wie vil mer wurd dan follichs erft jnn der Hiftorj erfcheinen/ darinn man sich eins weythern begriffs geprauen möchte. Auch kan die Poeteri der Hiftorj kains wegs vergleicht werden/ dern man on das klainen glauben gibt/ die lende sich dann nach der Hiftorischē meinung. Auch ist den gefatz gebern/ vnd regierenden herrn vonn nōtten die hiftorj zu wissen/ dann sunft mügen sy jr ampt nit recht verfehen/ dann gleich wie auff ein zeyt ein maler befragt/ von wöllichen maister er fein kunft am maisten gelert/ hat er mit eim finger auff das gemein volck gezeitigt/ vnd gefagt/ vō difem/ also muß auch der thun/ der statuten vnd gefatz macht/ das ehr fleyffig die menge ansehen/ vnd betrachten gleich wie jnn einē exemplar/ vnd also von jren sonderparn sytten vnd geperden/ außziehen/ das dan zu jr aller gemeinen nutz vnd fromen dient. Zu dem so mag auch die Philofophy selbs/ weder vō gütten litten/ vn wie man sich sunft jñ sondern oder gemeinen geschafften halten soll/ anzaig thun/ on vil vnd mancherley exempel/ vn ob diß yemanden vnmöglich zefein gefehen wirt/ der soll der aller trefflichste vnd namhaftigsten Philofophen bücher für sich nemen/ vnd zum vorderftē des Ariftotelis/ dariñ er gar nach dein gepot noch ler befündet/ die nit auß d⁹ hiftorf als von dē haupt vnd rechten ewigen adern vn broñen herfleuffet/ dan wie kundt einer von der natur der ding schreyben der die natürlich hiftorj nit wift/ deßhalbē so mag die Philofophi jrn lauff vnd gang on die hiftori als wenig habē/ als die schiffleüt jr fart on regel vnd ruder. Etlich meinen auch das man der Philofophi jnn regierung gemeinen nutz nitt bedorff/ doch redt niemandts der hiftorj vbel/ darzu darffs sy niemants versprechens noch beyftand/ so verdient vnd werd

ift fy gegen aller mengklich. Was fol ich vil von den andern künften fagen/ die doch zum tail wenig zûr feligkait dienen/ vnd zû tail mer Aloes vnd bitter daß honig fafft haben/ vnd auch den menfchen nit als vil nutz bringen als fchaden dann etlich leren vns/ nit wie man die warhait auffrichten vnd pflantzen/ fon der mer wie wir die felbig vñfturtzen vnd außrütten follten/ Die hiftorj aber macht vns der feligkait tailhaftig/ vnd ift mengklich nutz on allen fchaden. 7c.